

邶柏舟故訓傳第三

毛詩國風

鄭氏箋

柏舟言仁而不遇也衛頃公之時仁人不遇小人在側

不遇者君不受己之志也君近小人則賢者見侵害

汎彼柏舟亦汎其流傳興也汎流貌柏木所以宜為舟也

亦汎汎其流不以濟渡也

箋云舟載渡物者今不用與眾物汎汎然俱流水中興者

喻仁人之不見用而與耿耿不寐如有隱憂傳耿耿猶

傲傲也隱痛也

箋云仁人既不微我無酒以敖以遊傳

非我無酒可以敖遊忘憂也

我心匪鑿不可以茹傳鑿所以察形也茹度也箋云鑿之察形但知

方圓白黑不能度其真偽我心非如是鑿我於眾人之善惡外內心度知之亦有兄弟不可

以據傳據依也箋云兄弟至親當相據依言亦有不相

謂同姓臣也薄言往愬逢彼之怒傳彼彼兄弟

我心匪石不可轉也我心匪席不可卷也傳石雖堅尙可

轉席雖平尙可卷箋云言己心志堅平過於石席威儀棣棣不可選也

傳君子望之儼然可畏禮容俯仰各有威儀耳棣棣富

而閑習也物有其容不可數也箋云稱己威儀如此者言己德備而不遇所以

也

憂心悄悄愠于羣小傳愠怒也悄悄憂貌箋云羣小眾小

覲閔既多受侮不少傳閔病也靜言思之寤辟有標傳

靜安也辟拊心也標拊心貌箋云言我也

日居月諸胡迭而微箋云日君象也月臣象也微謂虧傷

君失道而任小人大臣專恣則日如月然心之憂矣如匪澣衣傳如衣之不

澣矣箋云衣之不澣則憤辱無照察靜言思之不能奮飛傳不能如鳥

奮翼而飛去箋云臣不遇於君猶不忍去厚之至也

柏舟五章章六句

綠衣衛莊姜傷己也妾上僭夫人失位而作是詩也綠當

為祿故作祿轉作綠字之誤也莊姜莊公夫人齊女姓姜氏妾上僭者謂公子州吁之母母嬖而州吁驕

綠兮衣兮綠衣黃裏傳興也綠閒色黃正色箋云祿兮衣

自有禮制也諸侯夫人祭服之下鞠衣為上展衣次之祿衣次之次之者眾妾亦以貴賤之等服之鞠衣黃展衣白祿衣黑皆以素紗為裏今祿衣反心之憂矣曷維

其已傳憂雖欲自止何時能止也

綠兮衣兮綠衣黃裳傳上曰衣下曰裳箋云婦人之服不

今衣黑而裳黃喻亂嫡妾之禮心之憂矣曷維其亡箋云亡之言忘也

綠兮絲兮女所治兮傳綠末也絲本也箋云女女妾上僭

皆女之所治為也而女反亂之亦喻亂嫡妾之禮責以本末之行禮大夫以上衣織故本於絲也我思

古人俾無訖兮傳俾使訖過也箋云古人謂制禮者我

過差之行心善之也

絺兮綌兮淒其以風傳淒寒風也箋云絺綌所以當暑今

我思古人實獲我心傳古之君子實得我之心也箋云

聖人制禮者使未婦有道妻妾貴賤各有次序

綠衣四章章四句

燕燕衛莊姜送歸妾也莊姜無子陳女戴嬖生子名完

州吁殺之戴嬖於是大歸莊姜遠送之于野作詩見己志

燕燕于飛差池其羽傳燕燕也燕之于飛必差池其羽

箋云差池其羽謂張舒其尾之子于歸遠送于野傳之

子去者也歸歸宗也遠送過禮于於也郊外曰野箋云

之禮送迎不出門今我送是子乃至于野者舒己憤盡己情瞻望弗及泣涕如雨傳

瞻視也

燕燕于飛頡之頡之傳飛而上曰頡飛而下曰頡箋云頡

婦將歸出入前却之子于歸遠于將之傳將行也箋云將瞻望

弗及佇立以泣傳佇立久立也

燕燕于飛下上其音傳飛而上曰上音飛而下曰下音箋

下上其音與戴媽將歸言語感激聲有大小之子于歸遠送于南傳陳在衛

南瞻望弗及實勞我心

仲氏任只其心塞淵傳仲戴媽字也任大塞瘞淵深也箋

任者以恩相親信也周禮六行孝友睦婣任恤終溫且惠淑慎其身傳惠慎也

箋云溫謂顏色和也淑善也先君之思以勗寡人傳勗勉也箋云戴

君莊公之故故將歸猶勸勉寡人以禮義寡人莊姜自謂也

燕燕四章章六句

日月衛莊姜傷己也遭州吁之難傷己不見荅於先君

以至困窮之詩也

日居月諸照臨下土傳日乎月乎照臨之也箋云日月喻國君與夫人

也當同德齊意以治國者常德也乃如之人兮逝不古處傳逝逮古故

也箋云之人是人也謂莊公也其所以胡能有定寧不

我顧傳胡何定止也箋云寧猶會也君之行如是何能

所以不能定完也

日居月諸下土是冒傳冒覆也箋云覆猶乃如之人兮逝

不相好傳不及我以相好箋云其所以接及我者不以

胡能有定寧不我報傳盡婦道而不得報

日居月諸出自東方傳日始月盛皆出東方箋云自從也

之時與乃如之人兮德音無良傳音聲良善也箋云無

之聲語胡能有定俾也可忘箋云俾使也君之行如此

也忘也

日居月諸東方自出父兮母兮畜我不卒箋云畜養卒終

言己尊之如父又親之如母乃反養遇我不終也胡能有定報我不述傳述循

也箋云不循不循禮也

日月四章章六句

終風衛莊姜傷己也遭州吁之暴見侮慢而不能正也

正猶止也

終風且暴顧我則笑傳興也終日風為終風暴疾也笑侮

之也箋云既竟日風矣而又暴疾興者喻州吁之為不善如終風之無休止而其閒又有甚惡其在莊姜之旁視莊姜則反笑謔浪笑敖傳言戲謔不敬中心是之是無敬心之甚悼箋云悼者傷其如是然而已不能得而止之

終風且霾傳霾雨土也惠然肯來傳言時有順心也箋云肯可

也有順心然後可以來莫往莫來悠悠我思傳人無子至我旁不欲見其戲謔

道以來事己己亦不得以母道往加之箋云我思其如是心悠悠然

終風且噎不日有噎傳陰而風曰噎箋云有又也既竟日風且復噎不見日矣

而又噎者喻州吁聞亂甚也寤言不寐願言則寔傳寔踰也箋云言我願思

也寔讀當為不敢噎咳之噎我其憂悼而不能寐汝思我心如是則噎也今俗人噎云人道我此古之遺語

也

噎噎其陰傳如常陰噎噎然虺虺其雷傳暴若震雷之聲

虺虺然寤言不寐願言則懷傳懷傷也箋云懷安也女則安也

也

終風四章章四句

擊鼓怨州吁也衛州吁用兵暴亂使公孫文仲將而平

陳與宋國人怨其勇而無禮也將者將兵以伐鄭也平成也將伐鄭先告陳與

宋以成其伐事春秋傳曰宋殤公之即位也公子馮出奔鄭鄭人欲納之及衛州吁立將脩先君之怨於鄭而

求寵於諸侯以和其民使告於宋曰君若伐鄭以除君害君為主敵邑以賦與陳蔡從則衛國之願也宋人許

之於是陳蔡方睦於衛故宋公陳侯蔡人衛人伐鄭是也伐鄭在魯隱四年

擊鼓其鏜踊躍用兵傳鏜然擊鼓聲也使眾皆踊躍用兵

也**土國漕我獨南行**傳漕衛邑也箋云此謂治兵時

眾民皆勞苦也或役土功於國或脩理漕城而我獨見使從軍南行伐鄭是尤勞苦之甚

從孫子仲平陳與宋傳孫子仲謂公孫文仲也平陳於宋

箋云子仲字也平陳於宋謂使告宋曰君為主敵邑以賦與陳蔡從**不我以歸憂心有忡**

傳憂心忡忡然箋云以猶與也與我南行不與我歸期兵凶事懼不得歸豫憂之

爰居爰處爰喪其馬傳有不還者有亡其馬者箋云爰於

死也傷也病也今於何居乎於何處乎於何喪其馬乎**于以求之于林之下**傳山

木曰林箋云于於也求不還者及亡其馬者當於山林之下軍行必依山林求其故處近得之

死生契闊與子成說傳契闊勤苦也說數也箋云從軍之士與其伍約

死也生也相與處勤苦之中我與子成相說愛之恩志在相存救也**執子之手與子偕老**

傳偕俱也箋云執其手與之約誓示信也言俱老者庶幾俱免於難

于嗟闊兮不我活兮傳不與我生活也箋云州吁阻兵安忍阻兵無眾安忍

無親眾叛親離軍士棄其約離散相遠故**于嗟洵兮不**

我信兮傳洵遠信極也箋云歎其棄約不與我相親信亦傷之

擊鼓五章章四句

凱風美孝子也衛之淫風流行雖有七子之母猶不能

安其室故美七子能盡其孝道以慰其母心而成其志
爾不安其室欲去嫁也成其志者成言孝子自責之意

凱風自南吹彼棘心傳興也南風謂之凱風樂夏之長養

棘難長養者箋云興者以凱風喻寬仁之母棘猶七子也棘心天天母氏劬

勞傳天天盛貌劬勞病苦也箋云天天以喻七子少長母養之病苦也

凱風自南吹彼棘薪傳棘薪其成就者母氏聖善我無令

人傳聖叡也箋云叡作聖令善也母乃有叡知之善德我七子無善人能報之者故母不安我室

欲去嫁也

爰有寒泉在浚之下傳浚衛邑也在浚之下言有益於浚

箋云爰日也曰有寒泉者在浚之下浸潤之使浚之民逸樂以興七子不能如也有子七人母

氏勞苦

覯皖黃鳥載好其音傳覯皖好貌箋云覯皖以興顏色說也好其音者興其辭令

順也以言七子不能如也有子七人莫慰母心傳慰安也

凱風四章章四句

雄雉刺衛宣公也淫亂不恤國事軍旅數起大夫久役

男女怨曠國人患之而作是詩淫亂者荒放於妻妾烝於夷姜之等國人久處

軍役之事故男多曠女多怨也男曠而苦其事女怨而望其君子

雄雉于飛泄泄其羽傳興也雄雉見雌雉飛而鼓其翼泄

泄然箋云興者喻宣公整其衣服而起奮訊我之懷矣

自詒伊阻傳詒遺伊維阻難也繫猶是也君之行如是

我安其朝而不去今從軍旅久役不得歸此自遺以是患難

雄雉于飛下上其音箋云下上其音興宣公展矣君子實

勞我心傳展誠也如是實使我心勞矣君若不然則我

無軍役之事

瞻彼日月悠悠我思傳瞻視也來箋云視日月之行迭往迭

來使我心悠悠然道之云遠曷云能來箋云曷何也何

百爾君子不知德行德何如者可謂為德行而君或有

所畱女怨不伎不求何用不臧傳伎害臧善也君子之

故問此焉行不疾害不求備於一人其行何用為不善

雄雉四章章四句

匏有苦葉刺衛宣公也公與夫人並為淫亂夫人謂夷姜

匏有苦葉濟有深涉傳興也匏謂之瓠瓠葉苦不可食也

濟渡也由膝以上為涉箋云瓠葉苦而渡處深謂八月

納采深則厲淺則揭傳以衣涉水為厲謂由帶以上也

揭褰衣也遭時制宜如遇水深則厲淺則揭矣男女之

際安可以無禮義將無以自濟也箋云既以深淺記時

之才性賢與不肖及長幼也
各順其人之宜爲之求妃耦

有瀾濟盈有鷺雉鳴傳瀾深水也盈滿也深水人之所難

也鷺雉雉聲也衛夫人有淫佚之志授人以色假人以

辭不顧禮義之難至使宣公有淫昏之行箋云有瀾濟

喻犯禮深也濟盈不濡軌雉鳴求其牡傳濡漬也由軌以上

爲軌違禮義不由其道猶雉鳴而求其牡矣飛曰雌雄

走曰牝牡箋云渡深水者必濡其軌言不濡者喻夫人

非所求

雝雝鳴雁旭日始旦傳雝雝雁聲和也納采用雁旭日始

出謂大昕之時箋云雁者隨陽而處似婦人從夫故昏

士如歸妻迨冰未泮傳迨及泮散也箋云歸妻使之來

冰未散正月中以前也二月可以昏矣

招招舟子人涉卬否傳招招號召之貌舟子舟人主濟渡

者卬我也箋云舟人之子號召當渡者猶媒人之會男

獨人涉卬否卬須我友傳人皆涉我友未至我獨待之

而不涉以言室家之道非得所適貞女不行非得禮義

昏姻不成

匏有苦葉四章章四句

谷風刺夫婦失道也衛人化其上淫於新昏而棄其舊
室夫婦離絕國俗傷敗焉新昏者新所與為昏禮

習習谷風以陰以雨傳興也習習和舒貌東風謂之谷風

陰陽和而谷風至夫婦和則室家成室家成而繼嗣生

黽勉同心不宜有怒傳言黽勉者思與君子同心也箋云

所以黽勉者非夫婦之宜見**采葑采菲無以下體**傳葑須也菲

藟也下體根莖也箋云此二菜者蔓菁與菘之類也皆上下可食然而其根有美時有惡時

采之者不可以根惡時并棄其葉喻夫婦以禮義合顏色相親亦不可以顏色衰棄其相與之禮**德音**

莫違及爾同死箋云莫無及與也夫婦之言無相違者則可與女長相與處至死顏色斯須之

有

行道遲遲中心有違傳遲遲舒行貌違離也箋云違徘徊

之人至將離別尚舒行其心徘徊然喻君子於己不能如也**不遠伊邇薄送我畿**傳

畿門內也箋云邇近也言君子與己決別不能遠維近耳送我裁於門內無恩之甚**誰謂荼**

苦其甘如薺傳荼苦菜也箋云荼誠苦矣而君子於己之苦毒又甚於荼比方之茶

則甘**宴爾新昏如兄如弟**傳宴安也

涇以渭濁湜湜其沚傳涇渭相入而清濁異箋云小渚曰沚

涇故見其濁湜湜持正貌喻君子得新昏故謂己惡也己之持正守初如沚然不動搖此絕去所經見因取以

自喻**宴爾新昏不我屑以**傳屑絜也箋云以用也言君子不復絜用我當

室**毋逝我梁毋發我笱****傳**逝之也梁魚梁笱所以捕魚

也箋云毋者喻禁新昏也女毋之我家取我為室家之道**我躬不閱遑恤我後****傳**

閱容也箋云躬身遑暇恤憂也我身尚不能自容何暇憂我後所生子孫也

就其深矣方之舟之就其淺矣泳之游之**傳**舟船也箋云方泝

也潛行為泳言深淺者喻君子之家事無難易吾皆為之**何有何亡黽勉求之****傳**有

謂富也亡謂貧也黽勉勤力為求之有乎何所亡乎吾其

凡民有喪匍匐救之**傳**匍匐言盡力也箋云匍匐言盡力也凡於民有凶

於君子之家事難易乎固當黽勉以疏喻親也

不我能慍反以我為讎**傳**慍養也箋云慍驕也君子不能以恩驕樂我反憎惡我

既阻我德賈用不售**傳**阻難也箋云既難却我隱蔽我

覬其察己猶見疏外如賣物之不售**昔育恐育鞫及爾顛覆****傳**育長鞫窮

也箋云昔育育稚也及與也昔幼稚之時恐至長**既生**

老窮匱故與女顛覆盡力於眾事難易無所辟**既育比予于毒****傳**有財業矣又既長老矣其視我如毒

螿言惡已甚也

我有旨蓄亦以御冬**傳**旨美御禦也箋云蓄聚美菜者以

時至於富貴則棄我如旨蓄**宴爾新昏以我御窮****傳**御窮苦之有

洗有潰既詒我肄**傳**洗洗武也潰潰怒也肄勞也箋云詒遺

也君子洗洗然潰潰然無溫潤之色**不念昔者伊余來**

三言國風

暨傳 暨息也箋云君子忘舊不念往昔年稚我始來之時安息我

谷風六章章八句

式微黎侯寓于衛其臣勸以歸也

寓寄也黎侯為狄人所逐棄其國而寄於

衛衛處之以二邑因安之可以歸而不歸故其臣勸之

式微式微胡不歸

傳 式用也

箋云式微式微者微乎微者也君何不歸乎禁君留止於

此之辭式發聲也

微君之故胡為乎中露

傳 微無也中露衛邑

也箋云我若無君何為處此乎臣又極諫之辭

式微式微胡不歸微君之躬胡為乎泥中

傳 泥中衛邑也式微二章章四句

旄丘責衛伯也狄人迫逐黎侯黎侯寓于衛衛不能脩

方伯連率之職黎之臣子以責於衛也

衛康叔之封爵稱侯今日伯者

時為州伯也周之制使伯佐牧春秋傳曰五侯九伯侯為牧也

旄丘之葛兮何誕之節兮

傳 興也前高後下曰旄丘諸侯以國相連屬憂患相及如葛之蔓延相連及也誕闕也

箋云土氣緩則葛生闕節興者喻此時衛伯不恤其職故其臣於君事亦疏廢也

叔兮伯兮何

多日也

傳 日月以逝而不我憂箋云叔伯字也呼衛之諸臣叔與伯與女期迎

我君而復之可來而不來女日數何其多也先叔後伯臣之命不以齒

何其處也必有與也

傳 言與仁義也箋云我君何以處於此乎必以衛有仁義

之道故也責衛何其久也必有以也傳必以有功德云箋

我君何以久留於此乎必以衛有功德故也又責衛今不務功德也

狐裘蒙戎匪車不東傳大夫狐倉裘蒙戎以言亂也不東

言不來東也箋云刺衛諸臣形貌蒙戎然但為昏亂之行女非有戎車乎何不來東迎我君而復

之黎國在衛西叔兮伯兮靡所與同傳無救患恤同也

箋云衛之諸臣行如是不與諸伯之臣同言其非之特甚

瑣兮尾兮流離之子傳瑣尾少好之貌流離鳥也少好長

醜始而愉樂終以微弱箋云衛之諸臣初有小叔兮伯

兮褻如充耳傳褻盛服也充耳盛飾也大夫褻然有尊

盛之服而不能稱也箋云充耳塞耳也言衛之諸臣類

耳聾恆多笑而已

旄丘四章章四句

簡兮刺不用賢也衛之賢者仕於伶官皆可以承事王

者也伶官樂官也伶氏世掌樂官而善焉故後世多號樂官為伶官

簡兮簡兮方將萬舞傳簡大也方四方也將行也以干羽

為萬舞用之宗廟山川故言於四方箋云簡擇將且也擇兮擇兮者為且

祭祀當萬舞也日之方中在前上處傳教國子弟以日

中為期箋云在前上處者在前列上頭也周禮大胥碩

人俛俛公庭萬舞傳碩人大德也俛俛容貌大也萬舞

非但在四方親在宗廟公庭

有力如虎執轡如組傳組織組也武力比於虎可以御亂

御眾有文章言能治眾動於近成於遠也箋云碩人有御亂御眾之

德可任為王臣左手執籥右手秉翟傳籥六孔翟翟羽也箋云

多才多藝又能籥舞言文武道備赫如渥赭公言錫爵傳赫赤貌渥厚

瀆也祭有界輝胞翟闔寺者惠下之道見惠不過一散

箋云碩人容色赫然如厚傳丹君徒賜其一爵而已不知其賢而進用之散受五升

山有榛隰有苓傳榛木名下溼曰隰苓大苦也箋云榛也苓也生各得其

所以言碩人處非其位云誰之思西方美人箋云我誰思乎思周室之賢者以其宜薦

碩人與彼美人兮西方之人兮傳乃宜在王室箋云彼美人謂

也碩人也

簡兮三章章六句

泉水衛女思歸也嫁於諸侯父母終思歸寧而不得故

作是詩以自見也以自見者見己志也國君夫人父母在則歸寧沒則使大夫寧於兄弟衛

女之思歸雖非禮思之至也

瑟彼泉水亦流于淇傳興也泉水始出瑟然流也淇水名

也箋云泉水流而入淇猶婦人出嫁於異國有懷于衛靡日不思箋云懷至靡無也以

言我有所至念於衛無日不思也所至念者謂諸姬諸姑伯姊變彼諸姬聊與之謀傳

變好貌諸姬同姓之女聊願也箋云聊且略之辭諸姬者未嫁之女我且欲略

與之謀婦人之禮觀其志意親親之恩也

出宿于泲飲餞于禰傳泲地名祖而舍軼飲酒於其側曰

餞重始有事於道也禰地名箋云泲禰者所嫁國適衛之道所經故思宿餞女

子有行遠父母兄弟箋云行道也婦人有出嫁之道遠於親親故禮緣人情使得歸寧

問我諸姑遂及伯姊傳父之姊妹稱姑先生曰姊箋云寧則

又問姑及姊親其類也先姑後姊尊姑也

出宿于干飲餞于言傳于言所適國郊也箋云于言猶姊禰未聞遠近同

異載脂載牽還車言邁傳脂牽其車以還我行也箋云言還

車者嫁時乘來今思乘以歸邁臻于衛不瑕有害傳邁疾臻至瑕遠

也箋云瑕猶過也害何也我還車疾至於衛而返於行無過差有何不可而止我

我思肥泉茲之永歎傳所出同所歸異為肥泉箋云茲此也自衛而

來所渡水故思此而長歎思須與漕我心悠悠傳須漕衛邑也箋云自衛

而來所經邑故又思之駕言出遊以寫我憂傳寫除也箋云既不得歸寧且

欲乘車出遊以除我憂

泉水四章章六句

北門刺仕不得志也言衛之忠臣不得其志爾不得其志者君

不知己志而遇困苦

出自北門憂心殷殷

傳興也北門背明鄉陰

箋云自從也興者喻己仕

於閭君猶行而出北門心為之憂殷殷然

終窶且貧莫知我艱

傳窶者無禮

也貧者困於財

箋云艱難也君於己祿薄終不足以為禮又近困於財無知己以此為難者言

君既然矣諸臣亦如之

已焉哉天實為之謂之何哉

箋云謂勤也詩人事君無

二志故自決歸之於天我勤身以事君何哉忠之至

王事適我政事一埤益我

傳適之埤厚也

箋云國有王命役使之事則不

以之彼必來之我有賦稅之事則減彼一而以益我言君政偏己兼其苦

我入自外室人交

徧謫我

傳謫責也箋云我從外而入在室之人更迭徧來責我使己去也言室人亦不知己

志已焉哉天實為之謂之何哉

王事敦我政事一埤遺我

傳敦厚遺加也

箋云敦猶投擲也

我入

自外室人交徧摧我

傳摧沮也

箋云摧者刺譏之言已焉哉天實

為之謂之何哉

北門三章章七句

北風刺虐也衛國並為威虐百姓不親莫不相攜持而去焉

北風其涼雨雪其雩

傳興也北風寒涼之風雩盛貌

箋云寒涼

之風病害萬物興者喻君政教酷暴使民散亂惠而好我攜手同行

傳惠愛行

道也箋云性仁愛而又好我者與我相攜持同道而去疾時政也其虛其邪既亟只

且傳虛虛也亟急也故威儀虛徐寬仁者今皆以為急

刻之行矣所以當去以此也

北風其喈雨雪其霏傳喈疾貌霏甚貌惠而好我攜手同

歸傳歸有德也其虛其邪既亟只且

莫赤匪狐莫黑匪烏傳狐赤烏黑莫能別也箋云赤則狐也黑則烏也

猶今君臣相承為惡如一惠而好我攜手同車傳攜手就車其虛其

邪既亟只且

北風三章章六句

靜女刺時也衛君無道夫人無德以君及夫人無道德故陳靜女遺我以彤

管之瀟德如是易之為人君之配

靜女其姝俟我於城隅傳靜貞靜也女德貞靜而有瀟度

乃可說也姝美色也俟待也城隅以言高而不可踰箋云

女德貞靜然後可蓄美色然後可安又能服從待禮而動自防如城隅故可愛也愛而不見搔

首踟蹰傳言志往而行正箋云志往謂踟蹰行正謂愛之而不往見

靜女其變詒我彤管傳既有靜德又有美色又能遺我以

古人之法可以配人君也古者后夫人必有女史彤管之法史不記過其罪殺之后妃羣妾以禮御於君所女

史書其日月授之以環以進退之生子月辰則以金環

退之當御者以銀環進之著于左手既御著于右手事

無大小記以成法箋云形管也形管有煒說懌女美傳煒

赤貌形管以赤心正人也箋云說懌當作說釋赤管煒

德美之

自牧歸蕘洵美且異傳牧田官也蕘茅之始生也本之於

蕘取其有始有終箋云洵信也茅潔白之物也自牧田

貞女在窈窕之處媒匪女之為美美人之貽傳非為其

徒說美色而已美其人能遺我法則箋云遺我者遺我以賢妃也

靜女三章章四句

新臺刺衛宣公也納伋之妻作新臺于河上而要之國

人惡之而作是詩也伋宣公之世子

新臺有泚河水瀾瀾傳泚鮮明貌瀾瀾盛貌水所以絜汙

穢反於河上而為淫昏之行燕婉之求籩條不鮮傳燕

安婉順也籩條不能俯者箋云鮮善也伋之妻齊女來嫁於衛其心本求燕婉之人

謂伋也反得籩條不善謂宣公也籩條口柔常觀人顏色而為之辭故不能俯也

新臺有洒河水浼浼傳洒高峻也浼浼平地也燕婉之求

籩條不殄傳殄絕也箋云殄當作腆善也

魚網之設鴻則離之

傳言所得非所求也

箋云設魚網者宜得魚鴻乃鳥

也反離焉猶齊女以禮來求世子而得宣公

燕婉之求得此戚施

傳戚施不

能仰者

箋云戚施面柔下人

新臺三章章四句

二子乘舟思伋壽也衛宣公之二子爭相為死國人傷而思之作是詩也

二子乘舟汎汎其景

傳二子伋壽也宣公為伋取於齊女

而美公奪之生壽及朔朔與其母媿伋於公公令伋之齊使賊先待於隘而殺之壽知之以告伋使去之伋曰

君命也不可以逃壽竊其節而先往賊殺之伋至曰君命殺我壽有何罪賊又殺之國人傷其涉危遂往如乘舟而無所薄汎汎然迅疾而不礙也願言思子中心養

養

傳願每也養養然憂不知所定

箋云願念也念我思此二子心為之憂養

然

二子乘舟汎汎其逝

傳逝往也願言思子不瑕有害

二子之不遠害

箋云瑕猶過也我思念此二子之事於行無過差有何不可而不去也

二子乘舟二章章四句

邶國十九篇七十一章三百六十三句

鄘柏舟故訓傳第四

毛詩國風

鄭氏箋

柏舟其姜自誓也衛世子共伯蚤死其妻守義父母欲奪而嫁之誓而弗許故作是詩以絕之共伯僖侯之子

汎彼柏舟在彼中河

傳

興也中河河中

箋云舟在河中猶婦人之在夫家是

其常處 髡彼兩髦實維我儀 **傳** 髡兩髦之貌髦者髮至眉

子事父母之節儀匹也

箋云兩髦之人謂共伯也實是我之匹故我不嫁也禮世子昧

爽而朝亦櫛纒笄總拂髦冠綏纓

之死矢靡它

傳

矢誓靡無之至也至

己之死信無它心母也天只不諒人只 **傳** 諒信也母也

天也尚不信我天謂父也

汎彼柏舟在彼河側髮彼兩髦實維我特傳特匹也之死

矢靡慝傳慝邪也母也天只不諒人只

柏舟二章章七句

牆有茨衛人刺其上也公子頑通乎君母國人疾之而

不可道也

宣公卒惠公幼其庶兄頑烝於惠公之母生子五人齊子戴公文公宋桓夫人許穆夫人

牆有茨不可埽也傳興也牆所以防非常茨蒺藜也欲埽

去之反傷牆也

箋云國君以禮防制一國今其宮內有淫昏之行者猶牆之生蒺藜中葍

之言不可道也

傳中葍內葍也箋云內葍之言謂宮中所葍成頑與夫人淫昏

之語所可道也言之醜也傳於君醜也

牆有茨不可襄也傳襄除也中葍之言不可詳也傳詳審

也所可詳也言之長也傳長惡長也

牆有茨不可束也傳束而去之中葍之言不可讀也傳讀

抽也箋云抽猶出也所可讀也言之辱也傳辱辱君也

牆有茨三章章六句

君子偕老刺衛夫人也夫人淫亂失事君子之道故陳

人君之德服飾之盛宜與君子偕老也夫人宣公夫人惠公之母也

君小君也或者小字誤作人耳

君子偕老副笄六珈傳能與君子俱老乃宜居尊位服盛

服也副者后夫人之首飾編髮為之笄衡笄也珈笄飾

之最盛者所以別尊卑箋云珈之言加也副既笄而加飾如今步搖上飾古之制所有

未聞委委佗佗如山如河傳委委者行可委曲蹤迹也佗

佗者德平易也山無不容河無不潤象服是宜傳象服

尊者所以為飾箋云象服者謂禴翟闕翟也人君之象服則舜所云予欲觀古人之象日月星

辰之子之不淑云如之何傳有子若是何謂不善乎箋

子乃服飾如是而為不善之行於禮當如之何深疾之

玼兮玼兮其之翟也傳玼鮮盛貌禴翟闕翟羽飾衣也箋

侯伯夫人之服自禴翟而下如王后焉鬢髮如雲不屑髡也傳鬢黑髮也

如雲言美長也屑絜也箋云髡髮也不絜者不用髮為善玉之瑱也象

之掃也傳瑱塞耳也掃所以摘髮也揚且之皙也傳揚

眉上廣皙白皙胡然而天也胡然而帝也傳尊之如天

審諦如帝箋云胡何也帝五帝也何由然女見尊敬如天帝乎非由衣服之盛顏色之莊與反為淫

昏之行

嗟兮嗟兮其之展也蒙彼絢絺是紕袷也傳禮有展衣者

以丹穀為衣蒙覆也絺之靡者為絢是當暑袷延之服

也箋云后妃六服之次展衣宜白絢絺絺之蹙蹙者展衣夏則裏衣絢絺此以禮見於君及賓客之盛服也

展衣字誤禮記作禮衣

子之清揚揚且之顏也傳清視清明也揚

廣揚而顏角豐滿展如之人兮邦之媛也傳展誠也美

女為媛箋云媛者邦人所依倚以為援助也疾宣姜有此盛服而以淫昏亂國故云然

君子偕老三章一章七句一章九句一章八句

桑中刺奔也衛之公室淫亂男女相奔至于世族在位

相竊妻妾期於幽遠政散民流而不可止衛之公室淫亂謂宣惠之

世男女相奔不待媒氏以禮會之也世族在位取姜氏弋氏庸氏者也竊盜也幽遠謂桑中之野

爰采唐矣沫之鄉矣傳爰於也唐蒙菜名沫衛邑箋云於何采唐

必沫之鄉猶言欲為淫亂者必之衛之都惡衛為淫亂之主

云誰之思美孟姜矣傳

姜姓也言世族在位有是惡行箋云淫亂之人誰思乎乃思美孟姜孟姜列國

之長女而思與淫亂疾世族在位有是惡行也期我乎桑中要我乎上宮送我

乎淇之上矣傳桑中上宮所期之地淇水名也箋云此思孟姜

之愛厚己也與我期於桑中而要見我於上宮其送我則於淇水之上

爰采麥矣沫之北矣云誰之思美孟弋矣傳弋姓也期我

乎桑中要我乎上宮送我乎淇之上矣

爰采葑矣沫之東矣箋云葑蔓菁云誰之思美孟庸矣傳庸姓

也期我乎桑中要我乎上宮送我乎淇之上矣

桑中三章章七句

鶉之奔奔刺衛宣姜也衛人以爲宣姜鶉鶉之不若也

刺宣姜者刺其與公子頑爲淫亂行不如禽鳥

鶉之奔奔鶉之疆疆傳鶉則奔奔鶉則疆疆然箋云奔奔疆疆言其

居有常匹飛則相隨之貌刺宣姜與頑非匹耦人之無良我以爲兄傳良善也

兄謂君之兄箋云人之行無一善者我君反以爲兄君謂惠公

鶉之疆疆鶉之奔奔人之無良我以爲君傳君國小君箋

小君謂宣姜

鶉之奔奔二章章四句

定之方中美衛文公也衛爲狄所滅東徙渡河野處漕

邑齊桓公攘戎狄而封之文公徙居楚丘始建城市而

營宮室得其時制百姓說之國家殷富焉春秋閔公二年

衛衛懿公及狄人戰于熒澤而敗宋桓公迎衛之遺民渡河立戴公以廬於漕戴公立一年而卒魯僖公二年

齊桓公城楚丘而封衛於是文公立而建國焉

定之方中作于楚宮傳定營室也方中昏正四方楚宮楚

丘之宮也仲梁子曰初立楚宮也箋云楚宮謂宗廟也定星昏中而正於是

可以營制宮室故謂之營室定昏中而揆之以日作于

楚室傳揆度也度日出日入以知東西南視定北準極

以正南北室猶宮也箋云楚室居室也君子將營宮室宗廟爲先廡庫爲次居室爲後

樹之榛栗椅桐梓漆爰伐琴瑟傳椅梓屬箋云爰曰也樹此六木於

宮者曰其長大可伐以爲琴瑟言豫備也

升彼虛矣以望楚矣望楚與堂景山與京傳虛漕虛也楚

丘有堂邑者景山大山京高丘也箋云自河以東夾於濟水文公將徒登漕

之虛以望楚丘觀其旁邑及其丘山審其高下所依倚乃後建國焉慎之至也降觀于桑傳地

勢宜蠶可以居民卜云其吉終然允臧傳龜曰卜允信

臧善也建國必卜之故建邦能命龜田能施命作器能

銘使能造命升高能賦師旅能誓山川能說喪紀能誅

祭祀能語君子能此九者可謂有德音可以爲卿大夫

靈雨既零命彼倌人星言夙駕說于桑田傳零落也倌人

主駕者箋云靈善也星雨止星見夙早也文公於雨下命主駕者雨止爲我晨早駕欲往爲辭說於桑

田教民稼穡務農急也匪直也人傳非徒甫君秉心塞淵傳秉操

也箋云塞充實也淵深也駉牝三千傳馬七尺以上曰駉駉馬與

牝馬也箋云國馬之制天子十有二閑馬六種三千四百五十六匹邦國六閑馬四種千二百九十六

匹衛之先君兼鄰鄙而有之而馬數過禮制今文公滅而復興徙而能富馬有三千雖非禮制國人美之

定之方中三章章七句

蝮蝮止奔也衛文公能以道化其民淫奔之恥國人不

齒也不齒者不與相長稚

蛩蝮在東莫之敢指傳蛩蝮虹也夫婦過禮則虹氣盛君

子見戒而懼諱之莫之敢指箋云虹天氣之戒尚無敢指者况淫奔之女誰敢視

之女子有行遠父母兄弟箋云行道也婦人生而有適人之道何憂於不嫁而為淫

奔之過乎惡之甚

朝濟于西崇朝其雨傳濟升崇終也從旦至食時為終朝

箋云朝有升氣於西方終其朝則雨氣應自然以言婦人生而有適人之道亦性自然女子有行

遠兄弟父母

乃如之人也懷昏姻也傳乃如是淫奔之人也箋云懷思也乃如是

之人思昏姻之事乎言其淫奔之過惡之大大無信也不知命也傳不待命

也箋云淫奔之女大無貞潔之信又不知昏姻當待父母之命惡之也

蛩蝮三章章四句

相鼠刺無禮也衛文公能正其羣臣而刺在位承先君之化無禮儀也

相鼠有皮人而無儀傳相視也無禮儀者雖居尊位猶為

闇昧之行箋云儀威儀也視鼠有皮雖處高顯之處人偷食苟得不知廉恥亦與人無威儀者同人

而無儀不死何為箋云人以為威儀為貴今反無之傷化敗俗不如其死無所害也

相鼠有齒人而無止傳止所止息也箋云止容止孝經曰容止可觀無止則雖

居尊無禮節也人而無止不死何俟傳俟待也

相鼠有體傳體支體也人而無禮人而無禮胡不遄死傳遄速也

相鼠三章章四句

于旄美好善也衛文公臣子多好善賢者樂告以善道也賢者時處士也

子子于旄在浚之郊傳子子于旄之貌注旄於干首大夫

之旄也浚衛邑古者臣有大功世其官邑郊外曰野箋云

周禮孤卿建旃大夫建物首皆注旄焉時有建此旄來至浚之郊卿大夫好善也素絲紕之良

馬四之傳紕所以織組也總紕於此成文於彼願以素

絲紕組之法御四馬也箋云素絲者以為縷以縫紕旄旗之旒縷或以維持之浚郊之

賢者既識卿大夫建旄而來又識其乘善馬四之者見之數也彼姝者子何以卑之傳

姝順貌卑子也箋云時賢者既說此卿大夫有忠順之德又欲以善道與之心誠愛厚之至

子子于旄在浚之都傳鳥隼曰旗下邑曰都箋云周禮州里建旗謂州

長之屬素絲組之良馬五之傳總以素絲而成組也驂馬

五轡箋云以素絲縷縫組於旌旗以彼姝者子何以予為之飾五之者亦謂五見之也

之

子子于旄在浚之城傳析羽為旌城都城也素絲祝之良

馬六之傳祝織也四馬六轡箋云祝當作屬屬著也彼六之者亦謂六見之也彼

三言國風
妹者子何以告之

干旄三章章六句

載馳許穆夫人作也閔其宗國顛覆自傷不能救也衛懿公為狄人所滅國人分散露於漕邑許穆夫人閔衛之亡傷許之小力不能救思歸唁其兄又義不得故賦

是詩也滅者懿公死也君死於位曰滅露於漕邑者謂戴公也懿公死國人分散宋桓公迎衛之遺民

渡河處之於漕邑而立戴公焉戴公與許穆夫人俱公子頑烝於宣姜所生也男子先生曰兄

載馳載驅歸唁衛侯傳載辭也弔失國曰唁箋云載之言則也衛侯戴

也公驅馬悠悠言至于漕傳悠悠遠貌漕衛東邑箋云夫

者驅馬悠悠乎我欲至于漕大夫跋涉我心則憂傳草行曰跋水行

曰涉箋云跋涉者衛大夫來告難於許時

既不我嘉不能旋反傳不能旋反我思也箋云既盡嘉善也言許人盡不

善我欲歸唁兄視爾不臧我思不遠傳不能遠衛也箋云爾女

臧善也視女不施善道救衛

既不我嘉不能旋濟傳濟止也視爾不臧我思不閔傳閔

閉也

陟彼阿丘言采其蟲傳徧高曰阿丘蟲貝母也升至徧高

之丘采其蟲者將以療疾箋云升丘采貝母猶婦人之適異國欲得力助安宗國也

女子善懷亦各有行傳行道也箋云善猶多也懷思也

升丘采許人尤之眾穉且狂傳尤過也是乃眾幼穉且

狂進取一槩之義箋云許人許大夫也過之者過夫人之欲歸信其兄

我行其野芄芄其麥傳願行衛之野麥芄芄然方盛長箋云

麥芄芄者言未收刈民將困也控于大邦誰因誰極傳控引極至也箋云

今衛侯之欲求援引之力助於大國之諸侯亦誰因乎由誰至乎閔之故欲歸問之大夫君子無

我有尤箋云君子國中賢者百爾所思不如我所之傳

不如我所思之篤厚也箋云爾女女眾大夫君子也

載馳五章一章六句二章章四句一章六句一章八

句

鄘國十篇三十章百七十六句

衛淇奥故訓傳第五

毛詩國風

鄭氏箋

淇奥美武公之德也有文章又能聽其規諫以禮自防故能入相於周美而作是詩也

瞻彼淇奥綠竹猗猗傳興也奥隈也綠王芻也竹蕭竹也

猗猗美盛貌武公質美德盛有康叔之烈有匪君子如

切如磋如琢如磨傳匪文章貌治骨曰切象曰磋玉曰

琢石曰磨道其學而成也聽其規諫以自修如玉石之

見琢磨也瑟兮僮兮赫兮咺兮傳瑟矜莊貌僮寬大也

毛詩國風
赫有明德赫赫然咍威儀容止宣著也有匪君子終不
可諉兮傳諉忘也

瞻彼淇奧綠竹青青傳青青茂盛貌有匪君子充耳琇瑩

會弁如星傳充耳謂之瑱琇瑩美石也天子玉瑱諸侯

以石弁皮弁所以會髮箋云會謂弁之縫中飾之以玉

服皮弁以日視朝瑟兮僮兮赫兮咍兮有匪君子終不可諉兮

瞻彼淇奧綠竹如簟傳簟積也有匪君子如金如錫如圭

如璧傳金錫鍊而精圭璧性有質箋云圭璧亦琢磨四

寬兮綽兮猗重較兮傳寬能容眾綽緩也重較卿士之

車箋云綽兮謂仁於施舍善戲謔兮不為虐兮傳寬緩弘大雖則

戲謔不為虐矣箋云君子之德有張有弛故不常矜莊而時戲謔

淇奧三章章九句

考槃刺莊公也不能繼先公之業使賢者退而窮處猶窮

也終

考槃在澗碩人之寬傳考成槃樂也山夾水曰澗箋云碩大也有

窮處成樂在於此澗者形貌大人而寬然有虛乏之色獨寐寤言永矢弗諉箋云

永長矢誓諉忘也在澗獨寐覺而獨言長自誓以不忘君之志志在窮處故云然

考槃在阿碩人之藹傳曲陵曰阿藹寬大貌箋云藹飢意獨寐

毛詩國風
二
五本齋

寤歌永矢弗過

箋云弗過者不復入君之朝也

考槃在陸碩人之軸

傳軸進也

箋云軸病也

獨寐寤宿永矢弗

告傳無所告語也

箋云不復告君以善道

考槃三章章四句

碩人閔莊姜也莊公惑於嬖妾使驕上僭莊姜賢而不

荅終以無子國人閔而憂之

碩人其頎衣錦褰衣

傳頎長貌錦文衣也夫人德盛而尊

嫁則錦衣加褰褱

箋云碩大也言莊姜儀表長麗佼好頎頎然褰褱也國君夫人衣翟而嫁

今衣錦者在塗之所服也尚之以禪衣為其文之大著

齊侯之子衛侯之妻東宮

之妹邢侯之姨譚公維私**傳**東宮齊大子也女子後生

曰妹妻之姊妹曰姨姊妹之夫曰私

箋云陳此者言莊姜容貌既美兄弟

皆正大

手如柔荑**傳**如荑之新生膚如凝脂**傳**如脂之凝頰如螿

傳頰頰也螿螿蝓也齒如瓠犀**傳**瓠犀瓠瓣螿首蛾

眉傳螿首頰廣而方箋云螿謂螿也巧笑倩兮**傳**倩好口輔

美目盼兮**傳**盼白黑分箋云此章說莊姜容

碩人敖敖說于農郊**傳**敖敖長貌農郊近郊箋云敖敖猶

作襪禮春秋之襪讀皆宜同衣服曰襪今俗語然此言莊姜始來更正衣服於衛近郊四牡有驕

朱纁鑣鑣翟芾以朝傳驕壯貌纁飾也人君以朱纁鑣

扇汗且以為飾鑣鑣盛貌翟翟車也夫人以翟羽飾車

芾蔽也箋云此又言莊姜自近郊既正衣服乘是車馬以入君之朝皆用適夫人之正禮今而不荅

大夫夙退無使君勞傳大夫未退君聽朝於路寢夫人

聽內事於正寢大夫退然後罷箋云莊姜始來時衛諸大夫朝夕者皆早退無

使君之勞倦者以君夫人新為妃耦宜親親之故也

河水洋洋北流活活施施泂泂發發葭莼揭揭庶姜

孽孽庶士有暵傳洋洋盛大也活活流也泂魚罟泂泂

施之水中鱸鯉也鮪鮪也發發盛貌葭蘆莼葍也揭揭

長也孽孽盛飾庶士齊大夫送女者暵武壯貌箋云庶姜謂姪

娣此章言齊地廣饒士女佼好禮儀之備而君何為不荅夫人

碩人四章章七句

氓刺時也宣公之時禮義消亡淫風大行男女無別遂

相奔誘華落色衰復相棄背或乃困而自悔喪其妃耦

故序其事以風焉美反正刺淫佚也

氓之蚩蚩抱布貿絲傳氓民也蚩蚩敦厚之貌布幣也箋

幣者所以貿買物也季春始蠶孟夏賣絲匪來貿絲來即我謀箋云匪非即

來買絲但來就我欲與我謀為室家也送子涉淇至于頓丘傳丘一成為

頓丘箋云子者男子之通稱言民誘己己乃送之匪我

愆期子無良媒傳愆過也箋云良善也非我心欲過子

將子無怒秋以為期傳將願也箋云將請也民欲為近

秋以與子為期

乘彼坳垣以望復關傳坳毀也復關君子所近也箋云前

以秋為期期至故登毀垣鄉其所近而望之猶有不見

復關泣涕漣漣傳言其有一心乎君子故能自悔箋云

必深怨既見復關載笑載言箋云則笑則爾卜爾筮體

無咎言傳龜曰卜著曰筮體兆卦之體箋云爾女也復

告之曰我卜女筮女宜為室家矣兆卦以爾車來以我

賄遷傳賄財遷徙也箋云爾女復關也信其卜筮皆吉

所有財賄徙就女也

桑之未落其葉沃若于嗟鳩兮無食桑甚于嗟女兮無與

士耽傳桑女功之所起沃若猶沃沃然鳩鶉鳩也食桑

甚過則醉而傷其性耽樂也女與士耽則傷禮義箋云

未落謂其時仲秋也於是時國之賢者刺此婦人見誘

禮之樂士之耽兮猶可說也女之耽兮不可說也箋云說

有百行可以功過相除至於婦人無外事維以貞信為節

桑之落矣其黃而隕自我徂爾三歲食貧淇水湯湯漸車

惟裳傳隕隋也湯湯水盛貌惟裳婦人之車也箋云桑

謂其時季秋也復關以此時車來迎己徂往也我自是往之女家女家乏穀食已三歲貧矣言此者明己之悔不以女今貧故也惟裳童容也我乃渡深水至漸車童容猶冒此難而往又明己專心於女**女也不**

爽士貳其行傳爽差也箋云我心於女故無差**士也罔**

極二三其德傳極中也

三歲為婦靡室勞矣箋云靡無也無居室之勞言不以婦事見困苦有舅姑曰婦**夙興**

夜寐靡有朝矣箋云無有朝者常早起夜臥非一朝然言己亦不解情**言既遂矣**

至于暴矣箋云言我也遂猶久也我既久矣謂三歲之後見遇浸薄乃至見酷暴**兄弟不**

知啞其笑矣傳啞啞然笑箋云兄弟在家不知我之見酷暴若其知之則啞啞然笑

我靜言思之躬自悼矣傳悼傷也箋云靜安躬身也我安思君子之遇己無

終則身自哀傷

及爾偕老老使我怨箋云及與也我欲與女俱至於老老乎女反薄我使我怨也**淇則**

有岸隰則有泮傳泮陂也箋云泮讀為畔畔厓也言淇與隰皆有厓岸以自拱持今

君子放恣心意曾無所拘制**總角之宴言笑晏晏信誓旦旦傳**總角

結髮也晏晏和柔也信誓旦旦然箋云我為童女未笄結髮宴然之時女與

我言笑晏晏然而和柔我其以**不思其反**箋云反復也信相誓旦旦耳言其懇惻欵誠

不思其反箋云已焉哉謂此不可怨會不念復其前言**反是不思亦已焉哉**箋云已焉哉謂此不可奈何死生自決之辭

氓六章章十句

竹竿衛女思歸也適異國而不見荅思而能以禮者也

籊籊竹竿以釣于淇**傳**興也籊籊長而殺也釣以得魚如

婦人待禮以成爲室家豈不爾思遠莫致之箋云我豈

子爲室家乎君子疏遠已己無由致此道

泉源在左淇水在右**傳**泉源小水之源淇水大水也箋云

有流入大水之道猶婦人有嫁於君子之禮今水相與爲左右而已亦以喻己不見荅**女子有行**

遠兄弟父母箋云行道也女子有道當嫁耳不以不荅而違婦禮

淇水在右泉源在左巧笑之瑳佩玉之儺**傳**瑳巧笑貌儺

行有節度箋云己雖不見荅猶不惡君子美其容貌與禮儀也

淇水漉漉檜楫松舟**傳**漉漉流貌檜柏葉松身楫所以櫂

舟也舟楫相配得水而行男女相配得禮而備箋云此

不得夫**駕言出游以寫我憂****傳**出游思鄉衛之道箋云

國而不見荅其除此憂維有歸耳

竹竿四章章四句

芄蘭刺惠公也驕而無禮大夫刺之惠公以幼童卽位

慢於大臣但習威儀不知爲政以禮

芄蘭之支**傳**興也芄蘭草也君子之德當柔潤溫良箋云

柔弱恒蔓延於地有所依緣則起興者
喻幼稚之君任用大臣乃能成其政
童子佩觿**傳**觿

所以解結成人之佩也人君治成人之事雖童子猶佩

觿早成其德也**雖則佩觿能不我知****傳**不自謂無知以

驕慢人也箋云此幼稚之君雖佩觿與其才能實不如我眾臣之所知為也惠公自謂有才能而驕

慢所以見刺**容兮遂兮垂帶悸兮****傳**容儀可觀佩玉遂遂然

垂其紳帶悸悸然有節度箋云容容刀也遂瑞也言惠公佩容刀與瑞及垂紳帶三

尺則悸悸然行止有節度然其德不稱服

芄蘭之葉箋云葉猶支也**童子佩鞶****傳**鞶玦也能射御則佩鞶箋云

鞶之言沓所指**雖則佩鞶能不我甲****傳**甲狎也箋云此君以疆沓手指

其才能實不如我眾臣之所狎習**容兮遂兮垂帶悸兮**

芄蘭二章章六句

河廣宋襄公母歸於衛思而不止故作是詩也宋桓公夫人衛

文公之妹生襄公而出襄公即位夫人思宋義不可往故作是詩以自止

誰謂河廣一葦杭之**傳**杭渡也箋云誰謂河水廣與一葦加之則可以渡之喻狹也

今我之不渡直自**誰謂宋遠跂予望之**箋云予我也誰謂宋國遠與我

跂足則可以望見之亦喻近也今我之不往直以義不往耳非為其遠

誰謂河廣曾不容刀箋云不容刀亦誰謂宋遠曾不崇朝

箋云崇終也行不終朝亦喻近

河廣二章章四句

伯兮刺時也言君子行役為王前驅過時而不反焉宣衛

公之時蔡人衛人陳人從王伐鄭伯也為王前驅久故家人思之

伯兮 揭兮 邦之桀兮傳伯州伯也揭武貌桀特立也箋云伯君

子字也桀英桀言賢也 伯也 執殳為王前驅傳殳長丈二而無刃

箋云兵車六等軫也戈也人也殳也車戟也酋矛也皆以四尺為差

自伯之東首如飛蓬傳婦人夫不在無容飾豈無膏沐誰

適為容傳適主也

其雨其雨杲杲出日傳杲杲然日復出矣箋云人言其雨其雨而杲杲然

日復出猶我言伯且來伯且來則復不來 願言思伯甘心首疾傳甘厭也箋云

願念也我念思伯心不能己如人心嗜欲所貪口味不能絕也我憂思以生首疾

焉得諼草言樹之背傳諼草令人忘憂背北堂也箋云憂以生疾

恐將危身欲忘之 願言思伯使我心痠傳痠病也

伯兮四章章四句

有狐刺時也衛之男女失時喪其妃耦焉古者國有凶荒則殺禮而多昏會男女之無夫家者所以育人民也

育生長也

有狐綏綏在彼淇梁傳興也綏綏匹行貌石絕水曰梁心

毛詩國風
之憂矣之子無裳傳之子無室家者在下曰裳所以配

衣也箋云之子是子也時婦人喪其如耦寡而憂是子無裳無爲作裳者欲與爲室家

有狐綏綏在彼淇厲傳厲深可厲之旁心之憂矣之子無

帶傳帶所以申束衣

有狐綏綏在彼淇側心之憂矣之子無服傳言無室家若

人無衣服

有狐三章章四句

木瓜美齊桓公也衛國有狄人之敗出處於漕齊桓公救而封之遺之車馬器服焉衛人思之欲厚報之而作

是詩也

投我以木瓜報之以瓊琚傳木瓜楸木也可食之木瓊玉

之美者琚佩玉名匪報也永以爲好也箋云匪非也我非敢以瓊琚爲

報木瓜之惠欲令齊長以爲玩好結己國之恩也

投我以木桃報之以瓊瑤傳瓊瑤美玉匪報也永以爲好

也

投我以木李報之以瓊玖傳瓊玖玉名匪報也永以爲好

也傳孔子曰吾於木瓜見苞苴之禮行箋云以果實相遺者必苞苴之

尚書曰厥苞橘柚

木瓜三章章四句

衛國十篇三十四章二百三句

王黍離故訓傳第六

毛詩國風

鄭氏箋

黍離閔宗周也周大夫行役至于宗周過故宗廟宮室
盡為禾黍閔周室之顛覆彷徨不忍去而作是詩也

宗周
鎬京也謂之西周周王城也謂之東周幽王之亂而宗
周滅平王東遷政遂微弱下列於諸侯其詩不能復雅
而於
國風焉

彼黍離離彼稷之苗傳彼彼宗廟宮室箋云宗廟宮室毀
壞而其地盡為禾

黍我以黍離離行邁靡靡中心搖搖傳邁行也靡靡猶

遲遲也搖搖憂無所愬箋云行道也道
行猶行道也知我者謂我心

憂箋云知我者不知我者謂我何求箋云謂我何求悠

悠蒼天此何人哉傳悠悠遠意蒼天以體言之尊而君

之則稱皇天元氣廣大則稱昊天仁覆閔下則稱旻天

自上降鑒則稱上天據遠視之蒼蒼然則稱蒼天箋云

蒼天仰懇欲其察己言也此

彼黍離離彼稷之穗傳穗秀也詩人自黍離離見稷之穗

故歷道其所更見行邁靡靡中心如醉傳醉於憂也知

我者謂我心憂不知我者謂我何求悠悠蒼天此何人

哉

彼黍離離彼稷之實傳自黍離離見稷之實行邁靡靡中

心如噎傳噎憂不能息也知我者謂我心憂不知我者

謂我何求悠悠蒼天此何人哉

黍離三章章十句

君子于役刺平王也君子行役無期度大夫思其危難
以風焉

君子于役不知其期曷至哉箋云曷何也君子行役我

甚思之雞棲于塙日之夕矣羊牛下來傳鑿墻而棲日塙

箋云雞之將棲日則夕矣羊牛從下牧地而來言君子
畜產出入尚使有期節至于行役者乃反不也

于役如之何勿思箋云行役多危難我誠思之

君子于役不日不月曷其有佻傳佻會也箋云行役反無日月何時而有

來會期雞棲于桀日之夕矣羊牛下括傳雞棲于弋為桀

括至也君子于役苟無飢渴箋云苟且也且得無飢渴憂其飢渴也

君子于役二章章八句

君子陽陽閔周也君子遭亂相招為祿仕全身遠害而

已祿仕者苟得祿而已不求道行

君子陽陽左執簧右招我由房傳陽陽無所用其心也簧

笙也由用也國君有房中之樂箋云由從也君子祿仕在樂官左手持笙右手

招我欲使我從之於房中俱在樂官也我其樂只且箋云

君子遭亂道不行其且樂此而已

君子陶陶左執翾右招我由敖傳陶陶和樂貌翾燾也翳

也箋云陶陶猶陽陽也翳舞者所持謂羽舞也君子左手持羽右手招我欲使我從之於燕舞之位亦俱在

樂官也其樂只且

君子陽陽三章章四句

揚之水刺平王也不撫其民而遠屯戍于母家周人怨

思焉怨平王恩澤不行於民而久令屯戍不得歸思其鄉里之處者言周人者時諸侯亦有使人戍焉平

王母家申國在陳鄭之南迫近彊楚王室微弱而數見侵伐王是以戍之

揚之水不流束薪傳興也揚激揚也箋云激揚之水至湍

興者喻平王政教煩急而恩澤之令不行于下民彼其之子不與我戍申傳戍

守也申姜姓之國平王之舅箋云之子是子也彼其是子獨處鄉里不與我來守

申是思之言也其或作記或作己讀聲相似懷哉懷哉曷月子還歸哉箋云

也思鄉里處者故曰今亦安不哉安不哉何月我得還歸見之哉思之甚

揚之水不流束楚傳楚木也彼其之子不與我戍甫傳甫

諸姜也懷哉懷哉曷月子還歸哉

揚之水不流束蒲傳蒲草也箋云蒲蒲柳彼其之子不與我戍

許傳許諸姜也懷哉懷哉曷月子還歸哉

揚之水三章章六句

中谷有推閔周也夫婦日以衰薄凶年饑饉室家相棄

爾

中谷有推嘆其乾矣傳興也推離也嘆菸貌陸草生於谷

中傷於水箋云興者喻人居平安之世猶離之生於陸

病將死有女仳離嘒其嘆矣傳仳別也箋云有女遇凶年

別離嘒然而嘆傷嘒其嘆矣遇人之艱難矣傳艱亦難

己見棄其恩薄也箋云所以嘒然而嘆者

中谷有推嘆其修矣傳修且乾也有女仳離條其歎矣傳

三言國風
條條然歎也條其歎矣遇人之不淑矣箋云淑善也君子於己不善也

中谷有蕓嘆其溼矣傳離遇水則溼箋云離之傷於水始則溼中而修久而乾

有似君子於己之恩徒用凶年深淺為厚薄有女叱離啜其泣矣傳啜泣貌

啜其泣矣何嗟及矣箋云及與也泣者傷其君子棄己嗟乎將復何與為室家乎此其有

餘厚於君子也

中谷有蕓三章章六句

兔爰閔周也桓王失信諸侯背叛構怨連禍王師傷敗

君子不樂其生焉不樂其生者寐不欲覺之謂也

有兔爰爰雉離于羅傳與也爰爰緩意鳥網為羅言為政

有緩有急用心之不均箋云有緩者有所聽縱也我生之

初尚無為傳尚無成人為也箋云尚庶幾也言我幼稚之時庶幾於無所為謂軍

役之我生之後逢此百罹尚寐無叱傳罹憂叱動也箋云

我長大之後乃遇此軍役之多憂今但庶幾於寐不欲見動無所樂生之甚

有兔爰爰雉離于學傳學覆車也我生之初尚無造傳造

為也我生之後逢此百憂尚寐無覺

有兔爰爰雉離于置傳置罟也我生之初尚無庸傳庸用

也箋云庸勞也我生之後逢此百凶尚寐無聰傳聰聞也箋云

百凶者王構怨連禍之凶

兔爰三章章七句

葛藟王族刺平王也周室道衰棄其九族焉九族者據己上至高

祖下及玄孫之親

緜緜葛藟在河之漘傳興也緜緜長不絕之貌水厓曰漘

箋云葛也藟也生於河之厓得其潤澤以長大而不絕興者喻王之同姓得王之恩施以生長其子孫終

遠兄弟謂他人父傳兄弟之道已相遠矣箋云兄弟猶言族親也王

寡於恩施今已遠棄族親矣是我謂他人父亦莫我顧謂他人為己父族人尚親親之辭

箋云謂他人為己父無恩於我亦無顧眷我之意

緜緜葛藟在河之涘傳涘厓也終遠兄弟謂他人母傳王

又無母恩謂他人母亦莫我有箋云有識有也

緜緜葛藟在河之漘傳漘水厓也終遠兄弟謂他人昆傳

昆兄也謂他人昆亦莫我聞箋云不與我相聞命也

葛藟三章章六句

采葛懼讒也桓王之時政事不明臣無大小使出者則為讒人所毀故懼之

彼采葛兮一日不見如三月兮傳興也葛所以為絺綌也

事雖小一日不見於君憂懼於讒矣箋云興者以采葛喻臣以小事使出

彼采蕭兮一日不見如三秋兮傳蕭所以共祭祀箋云彼采蕭者

喻臣以大事使出

彼采艾兮一日不見如三歲兮傳艾所以療疾箋云彼采艾者喻臣

以急事使出

采葛三章章二句

大車刺周大夫也禮義陵遲男女淫奔故陳古以刺今

大夫不能聽男女之訟焉

大車檻檻毳衣如旻傳大車大夫之車檻檻車行聲也毳

衣大夫之服旻離也蘆之初生者也天子大夫四命其

出封五命如子男之服乘其大車檻檻然服毳冕以決

訟箋云旻亂也古者天子大夫服毳冕以巡行邦國而決男女之訟則是子男入為大夫者毳衣之屬衣績

而裳繡皆有五色焉其青者如雉豈不爾思畏子不敢傳畏子大夫之

政終不敢箋云此二句者古之欲淫奔者之辭我豈不

我故不敢也子者稱所尊敬之辭

大車嘽嘽毳衣如璊傳嘽嘽重遲之貌璊赭也豈不爾思

畏子不奔

穀則異室死則同穴謂予不信有如皦日傳穀生皦白也

生在於室則外內異死則神合同為一也箋云穴謂塚壙中也此章

言古之大夫聽訟之政非但不敢淫奔乃使夫婦之禮有別今之大夫不能然反謂我言不信我言之信如白

日也刺其闇於古禮

大車三章章四句

丘中有麻思賢也莊王不明賢人放逐國人思之而作是詩也思之者思其來己得見之

丘中有麻彼畱子嗟傳畱大夫氏子嗟字也丘中境塙之

處盡有麻麥草木乃彼子嗟之所治箋云子嗟放逐於朝去治卑賤之職

而有功所在則彼畱子嗟將其來施施傳施施難進之

意箋云施施舒行伺閒獨來見己之貌

丘中有麥彼畱子國傳子國子嗟父箋云言子國使丘中有麥著其世賢彼

畱子國將其來食傳子國復來我乃得食箋云言其將來食庶其親

己己得厚待之

丘中有李彼畱之子箋云丘中而有李彼畱之子貽我佩

玖傳玖石次玉者言能遺我美寶箋云畱氏之子於思者則朋友之子庶其

敬己而遺己也

丘中有麻三章章四句

王國十篇二十八章百六十二句

手訂國風

五本齋

